

lewa.leselinyana

LESELINYANA LA LEKHOTLA LA TAOLO EA MOTLAKASE LE METSI LESOTHO



Thuto holim'a
taolo ea
litšebeliso
NUL 6



Thuto ka
boipaballo
tšebelisong ea
motlakase 12

Kabo ea likhau tsa
boiphihlelo JTC 3



9 • Litheko tsa metsi le likhoekhoere li kena tšebetsong



Ka khatisona ena
*Lekhotla le supa hore le lilemo tse
leshome le laola litheko tsa motlakase.
Kaholimo ho mona, lekhetho la pele
Lekhotla le ile la qala ho laola tšebetso
ea K'hamphani ea Metsi le
Likhoerekhoere (WASCO).*

Babali ba khabane,

Re boetse rea le amohela khatisona ena ea khatiso ea leselinyana la LEWA la litaba tse etsahetseng ho tloha ka Pherekhong ho fihlela ka Phupjane 2014.

E meng ea sepheo sa mantlha ea taolo ea litšebeliso ke ho beha litheko tsa tsona. Lekhotla le se le e na le lilemo tse leshome le laola litheko tsa motlakase. Kaholimo ho mona lekhetho la pele Lekhotla le ile la qala ho laola tšebetso ea K'hamphani ea Metsi le Likhoerekhoere (WASCO).

Ka boikitlaetso ba LEWA ba ho fana ka litšebeliso tsa taolo sechabeng ka ponaletso, mokoka le boiphihlelo molemong oa sechaba. Ele ho fihlela seo, Lekhotla le ile la tsoa letsolo ho ea fana ka thuto mekhahlelong e fapakaneng ea ba nang le kobo ea bohali litabeng tsa taolo.

Mehlala e ka suptjoang mona ke hore Lekhotla le ile la tsoara phutheho ea boithuto sekolong se seholo sa sechaba (NUL) e neng e reretsoe sechaba se phelang NUL e le ho se beha leseling ka litaba tsa taolo.

Lekhotla le boetsa la tsoara thupelo seterekeng sa Mokhotlong bakeng sa sechaba se phelang moo. Thupelo ena ho bile teng sechaba, 'me e ile ea atleha

ka lebaka la tšebetso ea Musi oa Setereke seo Ntate Motsamai Mokoto.

LEWA e ile ea atleha ho tekenela Tumellano ea Tsebelisano-'Moho (Memorandum of Understanding) le Babusi ba Litereke tsohle tse leshome kahare ho naha. Sena se ile sa tiisa maqhama a tsebelisano 'moho e se ntse e le teng lipakeng tsa LEWA le liofisi tseo.

Re boetse re tsoela pele ho ruta sechaba ka litaba tsa bohlokoa ho bona joaloka ho sebelisa motlakase ka polokeho le o mong oa mesebetsi ea rona ea mantlha e leng tharollo ea litletlebo tsa baji.

Joalokaha ho se ho ile ho 'na ha boleloa maselinyaneng a pejana, LEWA e sebetsa 'moho le Setsi sa Batšoarua ba banyane (JTC) ho fana ka tšebetso ho bona. Re leboha ha e le mona re boetse re filoe monyetla oa ho fana ka thuso setsing sena ☐

Ntoi Rapapa
Mookameli

Comments Email: secretary@lewa.org.ls

Batšoaruoa ba JTC ba abeloa likhau



*Lekala la Thuto le thoholetsa
le ho tšehetsa tšebeliso
'moho ena ea LEWA.*

Ele ho khothaletsa batšoaruoa ba banyane lilemong ho ipabola lithutong tsa bona, Lekhotla la Taolo Ea Motlakase Le Metsi Lesotho (LEWA) le ile la abela ba bang ba bona likhau tsa tšebetso e tsoileng matsoho lithutong ketsahalong e neng e tšoaretswe Setsing sa Tlhabollo ea Batšoaruoa Ba Tlaase Lilemong (JTC) ka la 6 Hlakola 2014.

Lekhotla le ikemiselitseho tšehetsa setsi sena kaha le na le tabatabelo ea ho nka karolo tšhabollong ea batšoaruoa bana, 'me ke ka lebaka lena LEWA e ileng ea aba likhau ho batšoaruoa ba ipabotseng lithutong le ho fetoha mekhoeng nakong eo ba leng setsing.

Ha a amohela ba neng ba le teng ketsahalong ena, Motlatsi oa Mookameli oa JTC Monghali Khang Khang o ile a qala ka ho leboha bohle ba bileng teng moketjaneng oo oa ho abjoa hoa likhau. O bile a toboketsa bohlokoa ba ho hlabolla batšoaruoa ba banyane lilemong hore ba tsebe ho ba sechaba sa kamoso se nang le

boikarabello. Monghali Khang o bile a lebisa mantsoe ho ba amohetseng likhau.

“Ke lebohela lona bohle ba atlehileng lithutong tsa lona, haholo bao ba lona ba atlehileng ho hlahella ka mahetla kahar’a ba bang. Ke bile ke khothatsa ba sa atlehang lithutong tsa bona selemong se fetileng ho ikitlaetsa ho atleha selemong sena, “a rialo Monghali Khang.

Mookameli oa LEWA Assoc. Prof. Ntoi Rapapa o ile a fana ka puo ea sehlooho moo teng a ileng a qala ka ho hlalosa nalane ea Lekhotla le e meng ea mesebetsi ea lona e kang ho laola litheko tsa motlakase, metsi le litšebeliso tsa likhoerekhoere, ho beha liphelelo tsa boleng le boemo ba litšebeliso tseo le ho rarolla litlitlebo tse mabapi le phano ea tsona litšebeliso tseo.

O ile a boela a hlalosa kamano ea LEWA le JTC hore na e qalile neng, le hore na tšebetso eo Lekhotla le e fanang ka eona ke ea mofuta ofeng. Ho feta mona o ile a ba a fana ka tiisetso ea hore LEWA e tla tsoelapele ho tšehetsa setsi sena kaha se etsa tšebetso ea bohlokoa haholo ea ho hlabolla batšoaruoa ba banyane lilemong. “Re le LEWA re itebohela ha e le mona re ile ra fuoa



Mookameli oa LEWA Assoc. Prof. Ntoi Rapapa (ea bohareng) le Motlatsi oa K'homishinara Monghali Mating Nkakala (ka letsohong le letona) ba nehelana ka khau ho e mong oa batšoaruoa ba JTC.

3

monyetla ona oa ho thusetsa molemong oa bana bana ba rona bao re nang le tšepo e tileng ea hore ba tla hola ho ba sechaba sa ka moso se tsebang ho etsa khetho tse nepahetseng tsa bophelo molemong oa bohle”, a rialo Assoc. Prof. Rapapa.

Mekhahlelo ea likhau e bile ea ba ipabotseng lithutong lehlakoreng la banana le bashanyana hammoho le ea bonahalang a khutlile mekhoeng haholo. Ho ne ho shebiloe baithuti ba lihlopha tsa Sehlopha sa 7, Form C le Form 5.

Ea buileng lebitsong la batšoaruoa o ile a leboha LEWA ka tšehetso eo e e bontšitseng le ka nako e fetileng.

“Morero ona oa LEWA o re kothalelitse bohle ho sebetsa ka thata haholo hore re tsebe ho atleha

lithutong tsa rona ‘me re etsa tšepiso ea ho sebetsa ka thata ho feta. Re leboha LEWA, matichere a rona le bahlokomeli ba rona ha ba bile le tumelo ho rona le ho re kothatsa ho tloha qalong ea selemo”, a rialo.

Lebitsong la Lekala la Thuto, Ofisiri ea Thuto Seterekeng sa Maseru Monghali Ntaeboso Phenduka o ile a re katleho ea batšoaruoa ke taba e kothatsang haholo, ‘me a re thuto e fanoang JTC e tšoana le ea likolo naha ka bophara. Monghali Phenduka a eketsa hore Lekala la Thuto le thoholetsa le ho tšehetsa tšebeliso ‘moho ena ea LEWA.

Ketsahalong ena ho bile teng har’a ba bang basebetsi le matichere a JTC, Lekala la Thuto, basebetsi ba LEWA le bapatlalatsi ba litaba □

LEWA e tekena tumellano le Babusi ba Litereke

Tšebeletso ea ho tekenela Tumellano ea Tšebeliso ‘Moho (Memorandum of Understanding) lipakeng tsa Lekhotla la Taolo ea Motlakase le Metsi Lesotho (LEWA) le Babusi ba litereke tsohle tse leshome tsa Lesotho e ile ea tšoareloa Maseru ka la 24 Hlakola 2014.

Tumellano ena e ne reretsoe ho tiisa maqhama a tšebeliso ‘moho lipakeng tsa Lekhotla le liofisi tsa Babusi ba Litereke.

Tšebeliso-‘moho ena har’a tse ling e reretsoe ho bebofatsa phapanyetsano ea litaba tsa taolo ea motlakase, metsi le litšebeletso tsa likhoerekhoere,

5



Ba babeli ba Babusi ba Litereke ba tekena Tumellano ea Tšebeliso-moho lipakeng tsa LEWA le liofisi tsa Babusi ba Litereke, setsing sa Lehakoe Recreational.



4

ho matlafatsa maqhama lipakeng tsa LEWA hammoho le ba nang le bohali litabeng tsa taolo ba kang baji le bahoebi ba literekeng.

Puong ea hae ea selekela ketsahalong ena, Mookameli oa LEWA, Assoc. Prof. Ntoi Rapapa o ile a leboha bohle ba bileng teng ho tla tšehetsa liteko tseo tsa Lekhotla le Babusi ba litereke tsa ho sebetsa 'moho.

“Ketsahalo ena e tšoaqa qaleho ea ho tiisoa hoa maqhama a tiileng a tšebeliso ‘moho lipakeng tsa Lekhotla le bohle ba nang le kobo ea bohali litabeng tsa taolo ea motlakase, metsi le likhoerekhoere, re shebile haholo ntlheng ea baji ba litšebeliso tseba ba lulang literekeng. Lekhotla le itlama hore le tla sebeletsa katleho ea tšebeliso ‘moho ena”, a rialo Assoc. Prof. Rapapa.

Lebitsong la Babusi ba Litereke, Mofumahali 'Mantšiuoa Mosothoane eo e leng 'Musi oa setereke sa Mohale's Hoek, o ile a re ba amohela boikarabello bona ba ho ba mahokela lipakeng tsa Lekhotla le sechaba se phelang literekeng.

“Re ikutloa re ananela hore ebe re tšepetsoe ho etsa tšebetso ea bohlokoa hakana, 'me re etsa tšepiso ea hore re tla sebetsa ka thata ho fihlela litebello tsa Lekhotla le sechaba seo re se sebeletsang”, a rialo Mofumahali Mosothoane.

O bile a tsoela pele ka ho etsa boipiletso ho Lekhotla ho etsa bonnete ba hore le fa liofisi tsa Babusi ba Litereke litaba tsa morao-rao, ho etsa tšalo-morao le ho rarolla

*Lekhotla le fa liofisi tsa Babusi
ba Litereke litaba tsa morao-rao,
ho etsa tšalo-morao le ho rarolla
litletlebo tse ka isoang ho Lekhotla
li tsoa liofising tsa Litereke.*

litletlebo tse ka isoang ho Lekhotla li tsoa liofising tsa Litereke.

Ha a fana ka mantsoe a ho koala, 'Musi oa Setereke sa Maseru Major General Samuel Makoro o ile a leboha LEWA ha e le mona thomme mokhoa oa ho sebetsa 'moho le Babusi ba Litereke molemong oa sechaba.

Tumellano ena ea tšebeliso 'moho e reretsoe ho tataisa Lekhotla le Babusi ba Litereke ho tsoarana ka matsoho ho faneng ka leseli holim'a litaba tse amanang le taolo ea motlakase, metsi le likhoere-khoere le ho fana ka litaba tsa morao-rao litabeng tsa phano ea litšebeliso tseo.

Ona ke mokhoa o mong oo Lekhotla le o sebelisang ho pharalatsa thuto le tsebo ka tšebetso ea lona ka tsela e otlohloleng e bileng e amohelang maikutlo a sechaba ho etsa bonnete ba hore se na le kutloisiso ea litaba tsa tšebetso ea Lekhotla e le hore batle ba li amohele.

Ka hona, tumellano ke hore Lekhotla (LEWA) le Babusi ba Litereke ba tla sebetsa 'moho ho bona hore sechaba se kenya letsoho litabeng tsa tsamaiso ea phano ea litšebeliso □



Leselinyana lena le hatisoa hang kamor'a likhoeli tse tharo. Litaba tsohle tse ka har'a lona li ikarabella ho Lekhotla la Taolo ea Motlakase le Metsi Lesotho.

© 2014 Lekhotla la Lesotho Motlakase le Metsi. Mang kapa mang ea ka khahloang ke ho sebelisa litaba tse

ka hare ho lona o tlameha hore a be a entse kopo, 'me a be a hlalose ka botlalo hore o qotsitse litaba tse ka har'a leselinyana lena.

Borali le khatiso: The Age Multimedia Publishers

LEWA e fumaneha : Lesotho Electricity and Water Authority,

7 Floor, Moposo House, Kingsway, Maseru, Lesotho

Tel: +266 22 312479 • Fax: +266 22 315094

Email: secretary@lewa.org.ls • Website: www.lea.org.ls

Postal Address: Private Bag A135, Maseru 100 – Lesotho, Southern Africa.

Thuto holim'a phano ea litšebeletso NUL



E le ka sepheo sa ho fetisetsa tsebo ea litaba tsa tsamaiso ea taolo ea litsi tsa phano ea litšebeletso, Lekhotla la Taolo ea Motlakase le Metsi Lesotho (LEWA) le ile la tšoara phutheho ea boithuto (public lecture) eo sehlooho sa eona se neng se le holim'a litaba tsa taolo ea litšebeletso le ho hlalosa boemo boo LEWA e seng e le ho bona ka tsamaiso ea litšebeletso tsa motlakase le metsi.

Phutheho ena e ne e tšoaretsoe Sekolong se Seholo sa Sechaba (NUL) mohahong oa Setsi sa Lithuto Tsa Afrika e Ka Boroa (ISAS) ka la 30 Pherekhong, 2014.

Phuthehong ena sebui sa sehlooho e ne e le Mookameli oa LEWA Assoc. Prof. Ntoi Rapapa, 'me e ne reretsoe batho ba phelang ka NUL. Hona e ne e le mokhoa o mong oo Lekhotla le isang thuto sechabeng ka litaba tse amanang le mesebetsi le boikarabello tsa Lekhotla.

Litaba tse ileng tsa tšohloa li ne li kenyeletsa sepheo sa taolo ea litšebeletso, Mekhoa ea taolo ea litšebeletso, melao e tsamaisang taolo ea litšebeletso le ho sheba ka botebo litaba tsa tšebetso ea LEWA.

Mookameli oa NUL Prof. Sejanamane o ile a etsa puo ea kamohelo ho bohle ba neng ba le teng 'me a boela a

bontša teboho ea hae ho LEWA ka boikitlaetso ba eona ea ho isa thuto sechabeng mabapi le tšebetso ea eona. "Re amohela sena se entsoeng ke LEWA kaha se tla ruta sechaba ka tšebetso ea bohlokoa e etsoang ke Lekhotla le karolo eo sechaba se ka e bapalang litabeng tsena tsa taolo", a rialo Prof. Sejanamane.

Assoc. Prof. Paul Rapapa o ile a nka sebae 'me a qala ka ho hlalosa hore na tsamaiso ea litšebeletso e hloka hahala hobaneng, o ile a bontša hore, har'a tse ling, e atlehisa kholo ea nako e telele ea moruo ho hohela boramatsete le ho khothaletsa ho qothisana lehlokoa ha ba fanang ka litšebeletso ele ho qoba bompoli phanong ea litšebeletso.

Mookameli oa LEWA o ile a tsoelapele ho hlalosa hore motheo oa taolo o itšetlehile ka maano a fang Lekhotla matla a ho laola litheko tsa litšebeletso, ho beha leihlo lipehelo tsa boleng ba litšebeletso le ho rarolla litletlebo tse ka bang teng lipakeng tsa baji le litsi tse fanang ka litšebeletso.

O boetse a bontša hore Lekhotla le boetse le lokela ho sebetse ka ho tšepahala kaha le na le boikarabello ba ho bona hore mekhoe ea boipiletsa, litlaleho tsa bohlahlobi ba lichelete, ho hlahloba boleng ba tšebetso le ho beha leihlo ho neptjoa hoa lipehelo li etsoa ka nepo.



Mookameli oa LEWA Assoc. Prof. Ntoi Rapapa o bua phuthehong NUL holim'a litaba tsa taolo ea litšebeletso le ho hlalosa boemo ba Lekhotla.

6

Assoc. Prof. Rapapa o ile a bua hape le ka ponaletso le karolo eo sechaba se e bapalang ho fana ka maikutlo le hona ho kenya letsoho litabeng tsa taolo.

A eketsa ka hore tsamaiso e hlakileng e nang le ponaletso le methati e hlakileng lateloang ea tšebetso ke lintlha tsa bohlokoa methating e lateloang ke Lekhotla ho etsa liqeto. O ile a tsoela pele ka ho bolela hore taba e 'ngoe ea bohlokoa ke hore Lekhotla le be le boikemelo mabapi le ho etsa liqeto.

O boetse a hlalosa ka botebo nalane ea Lekhotla le ho fetoha hoa lona ho ba LEWA, 'me a bontša hore Lekhotla le qalile tšebetso ka 2004. A re ho bohlokoa ho sheba morao hore na esale le sebetsa joang mabapi le tsamaiso ea lona ea molao, boikemelo ba lona ba lichelete, le boleng ba tšebetso ea tsamaiso.

Ho bile hoa shejoa litheko tsa litšebeletso lilemong tse fetileng ka kakaretso le tsela ea ho tlaheha ka molao.

Assoc. Prof. Rapapa o ile a fera litaba tsa hae ka ho re Lekhotla le tataisoa ke molao o le thehileng 'me tsamaiso ea litšebeletso e molemong oa bohle

Kopano ena e ile ea amohelaha haholo ho ba ileng ba nka karolo 'me ba ile ba bontša thahasello e kholo ho ruoeng tsebo ea litaba tse amanang le taolo ea litšebeletso.

Batho ba neng ba le teng phuthehong ena e ne e le ea tšoereng molepo sechaba se phelang NUL, Baokameli ba Mafapha a Thuto, Barupeli, Bookameli ba NUL, Baithuti ba NUL, Bookameli le basebetsi ba LEWA □

Theko tse ncha tsa motlakase li kena tšebetsong

Ka 11 'Mesa Lekhotla le entse qeto holim'a chelete e tla sebelisoa ke LEC ho phetha mosebetsi oa eona selemong sa lichelete tsa 2014/15.

Ka la 01 Motseanong 2014 litheko tse ncha tsa motlakase li kene tšebetsong kamor'a hore Lekhotla la Taolo ea Motlakase le Metsi Lesotho (LEWA) le li ananele.).

Ka 11 'Mesa, 2014 Lekhotla le ile la etsa qeto ea hore chelete eohle e tla sebelisoa ke K'hamphani ea Motlakase Lesotho (LEC) ho phetha mosebetsi oa eona selemong sa lichelete tsa 2014/15, e be Maloti a limilione tse makholo a tšeletseng le mashome a supileng a metso e tšeletseng (M676.1 millione). Chelete eo LEC e lumelletsoeng ho e sebelisa ka 2014/15, hammoho le matlole, e bolela hore litheko tsa motlakase li nyolohile ka linoko tse lipakeng tsa tse 11.8 lekholong (11.8%) le tse 12.4 lekholong (12.4%) bakeng sa mekhahlelo e fapaneng ea basebelisi ba motlakase.

Hona ho bolela hore, mohlala, ha mosebetsi oa motlakase malapeng

a ne a reka li units tse 18 ka M20.00 ngoahola, o se a fumana li units tse 16 ka chelete e lekanang kamor'a hore litheko tse ncha li kene tšebetsong.

Ka holimo ho mona, lipatala tsa methati ea khokelo ea motlakase e leng khokelo, ho hlahloba likhoele tsa ntlo (wiring testing), ho potiela (surveying), ho hlahloba limithara (meter testing) le khokelo ea motlakase ntlong e ekelitsoeng (house extension) ha li ea fetoha ntle leha LEC e ka etse kopo ea joalo hore LEWA e e seka-seke.

Ka Pherekhong 2014 Lekhotla le ne le ile la fumana kopo ea LEC moo K'hamphani e neng e kopa hore Lekhotla le nyolle litheko tsa motlakase le tsa tlhokahalo e phahameng ea motlakase (Maximum Demand) ka linoko tse 26.8 % lekhotlong. LEC e ile ea re chelete eo e tla e hloka selemong sa 2014/15 ke M778.1 millione. LEC e ne e sa kopa hore lipatala tsa methati eohle ea khokelo ea motlakase li hlahlojoe bocha. Kakaretso ea chelete eo LEC e neng e ekopa hore e lumelloe ho tla e sebelisoa ka selemo sa 2013/14 ke M714.7 million.

8

Litheko tsa motlakase – ho tloha ka la 01 Motšeanong 2014

Mekhahele ea basebelisi ba Motlakase	Mesebetsi e Mehlo HV	Mesebetsi e Mehlo LV	Likhoabo tse mahareng HV	Likhoabo tse mahareng LV	Likhoabo tse nyane	Motlakase oa Malapeng	Mabone a seterateng
Litheko tse kenyelletse makhetho ka ho fapana * (M/kWh)	0.2014	0.2176	0.2014	0.2076	1.3028	1.1600	0.6866

*Lekhetho la basebelisi ba motlakase= $M0.030/kWh$; Letlole la Kanetso ea Motlakase la Mesebetsi e Mehlo le Likhoabo tse Mahareng HV/LV= $M0.020/kWh$; Letlole la Kanetso ea Motlakase la Likhoabo tse Nyane, Motlakase oa Malapeng le Mabone a seterateng = $M0.035/kWh$

Litheko tsa tlhoko e phahameng ea motlakase – ho tloha ka la 01 Motšeanong 2014

Mekhahele ea basebelisi ba Motlakase	Mesebetsi e Mehlo HV	Mesebetsi e Mehlo LV	Likhoabo tse mahareng HV	Likhoabo tse mahareng LV
Litheko tsa tlhoko e phahameng ea motlakase (M/kVA)	213.2433	249.0686	213.2433	249.0686

Litheko ha li kenyelletsa lekhetho la thekiso la 5%.

7


Lekhotla le ile la tšoa 'moka tse tha tharo tsa ho nonya maikutlo a sechaba a holim'a kopo eo Mokhotlong, Mohale's Hoek le Maseru ho phethisa lipallo tsa molao. Lihlopha tse ileng tsa fana ka maikutlo a tsona kapel'a Komiti ea Litheko tsa Motlakase ea Lekhotla (LEWA) e bile LEC, basebelisi ba motlakase le baemeli ba Mokhatlo oa Tšireletso ea Baji (CPA), Nien Hsing, Forum for Electrical Practitioners Industry (FEPI), Komisi ea Kereke e K'hatholike ea Toka le Khotso (CCJP), Feme ea Thitelo ea Joala le Linomapholi (MMB) le Mokhatlo oa Bahoebi oa Lesotho (LCCI).

LEC e supile hore kopo ea eona har'a tse ling e tsoetsoe ke hore e reka motlakase ho tsoa litsing tse kanatle ho naha e leng tsa ESKOM hammoho le EDM tse e rekisetsang motlakase ka boturu. Ho feta mona, e itse e tobane le litšenyehelo tse phahamang tsa ho sebeletsa basebelisi ba ntseng ba eketseha ka lipalo, marang-rang a seng a ataolohile. Hape K'hamphani e itse e rerile ho ntlafatsa maemo a litšebeletso ka kakaretso.

Lihlopha tsa sechaba li ne li le khahlanong le nyollo e kaalo. Tsona li bontšitse har'a tse ling, hore LEC e lokela ho eketsa sekhahla sa phamantšo ea motlakase kaha seo se ka etsa hore litheko li se phahame haholo. Ntlha e 'ngoe e bile hore merero eohle ea LEC ea ho eketsa thepa ea phephelo ea motlakase e jaroe ke 'Musu kaha

LEC e le K'hamphani ea ona. Ba bile ba eketsa ka hore LEC e etse lenane le hlakileng la ho hlokomela thepa ea eona.

Kachelete ena LEC e lebelletsoe ho reka motlakase setsing se kahar'a naha e leng sa 'Muela, le litsing tse kantle e leng Eskom (Afrika Boroa) le EDM (Moçambique), e lokise thepa ea eona e fepelang motlakase e be e batle mehloli e meng eo ho eona e ka fumanang kapa ho alima chelete bakeng sa ho ntšetsa pele merero ea eona ea katoloso ea thepa. Ho feta mona, ka chelete ena LEC e tla ntlafatsa maemo a bosebeletsi ba eona sechabeng ka ho nyolla lipalo tsa basebelisi ba motlakase papisong le tsa basebetsi ba eona ho tloha ho palo ea mosebeletsi a le mong basebelising ba makholo a mararo ba mararo (1:300) ho e nyollela ho mosebeletsi a le mong basebelising ba makholo a mane ba motlakase (1:400).

Hape K'hamphani e tšoanela ho etsa sena ho latela sekhahla sa theko ea thepa le lisebelisuo (inflation) le sa keketseho ea basebelisi ba motlakase. Hape LEC e tla fokotsa litšenyehelo tsa letsatsi le letsatsi tsa tsamaiso ea K'hamphani. Lekhotla le entse qeto ea hore litšenyehelo tseo li ikamahanye le ho hola ha thekiso ea motlakase, ho eketseha ha basebelisi ba motlakase le sekhahla sa kholo ea moruo 



Mookameli oa LEC Monghali Mbele Hooaho (oa bobeli ho tloha ka letsohong le letona) o arabela lipotso tse botsitsong ke sechaba 'mokena oa ho nonya sechaba maikutlo holim'a kopo ea LEC ea nyollo ea litheko tsa motlakase, Maseru.

Litheko tse ncha tsa metsi le likhoerekhoere

Lekhotla le getile ka hore WASCO e sebelise chelete e M172.73 millione ho fana ka litšebeliso tsa metsi. WASCO e tla boela e sebelise M29.36 millione ho fana ka litšebeliso tsa likhoere-khoere

Ka la 01 Motseanong litheko tse ncha tsa litšebeliso tsa metsi le likhoerekhoere li kene tšebetsong kamor'a ho ananeloa ke LEWA.

Qeto ea Lekhotla ke hore K'hamphani ea Metsi le Likhoerekhoere (WASCO) e sebelise chelete e M172.73 millione ho fana ka litšebeliso tsa metsi. WASCO e tla boela e sebelise M29.36 millione ho fana ka litšebeliso tsa likhoere-khoere.

Ka kakaretso litheko tse ncha tsa metsi le likhoerekhoere li ka tsela e latelang:

A. Keketseho e kholo ea linoko litheko tsa metsi

1. Basebelising ba metsi malapeng keketso ke:

- 7.4% bakeng sa malapa a sebelisang metsi a sa feteng lilitara tse 5,000, - e leng mokhahlelo oa Band A;

- 12.03% bakeng sa malapa a sebelisang metsi a lilitara tse lipakeng tsa tse 5,000 le tse 10,000,- e leng mokhahlelo oa Band B ;
- 13.75% bakeng sa malapa a sebelisang metsi a lilitara tse lipakeng tsa tse 10,000 le tse 15,000, - e leng mokhahlelo oa Band C;
- 16.50% bakeng sa malapa a sebelisang metsi a lilitara tse kaholimo ho tse 15,000 -e leng mokhahlelo oa Band D.

2. Basebelisi ba bang e leng litsi tse kang 'Muso, likolo, likereke le likhoebo joalo-joalo, li nyolohile ka 16.50%.

B. Litheko tsa lilitara tse 1,000 tsa metsi lipompong tsa sechaba e se e tla ba M5.66 ho tloha ho M4.86.

Sechaba se hlokomele hore bakeng sa mokhahlelo oa Band A lilitara tse 1,000 tsa metsi e se ele M26.11 papisong le lipompong tsa sechaba (standpipes) moo teng e leng ba M5.66.



Se seng sa lihlopha tse ileng tsa boptjoa ho tšohla kopo ea WASCO 'mokeng oa ho nonya sechaba o neng o le Maseru.

C. LITHEKO TSA LITŠEBELETSO TSA LIKHOEREKHOERE

Mokhahlelong ona litheko li nyolohile 6.2% basebelising kaofela.

Ka Hlakola 2014 WASCO e ile ea etsa kopo ho Lekhotla hore selemong sa 2014/15 litheko tsa metsi le likhoerekhoere li nyolloe ka 35%, mafapheng 'ohle a basebelisi ba metsi le litšebeliso tsa likhoerekhoere, ekasitana le hore tefiso tsa khoeli le khoeli (standing charges) li nyolloe ka 6.2%. Ka kakaretso WASCO e ne e kopa hore e sebelise chelete e M181.28 millione le M34.39 millione ho fana ka litšebeliso tsa metsi e likhoerekhoere ka tatellano.

Ele ho phethahatsa se hlokoang lke molao Lekhotla le ile la phatlalatsa kopo ena maselinyaneng le li-ea-le-moeeng 'me la ba la tšoara 'moka tse tharo tsa ho nonya maikutlo a sechaba a holim'a kopo eo Mokhotlong, Mohale's Hoek le Maseru. Lihlopha tse ileng tsa fana ka maikutlo a tsona kapel'a Komiti ea Litheko tsa Motlakase ea Lekhotla (LEWA) ke WASCO, basebelisi ba metsi le likhoerekhoere le baemeli ba Mokhatlo oa Tšireletso ea Baji (CPA), Komisi ea Kereke e K'hatholike ea Toka le Khotso (CCJP), Feme

ea Thitelo ea Mothamahane le Linomapholi MMB), Mokhatlo oa Bahoebi oa Lesotho (LCCI) le sechaba.

Ha e fana ka mabaka a kopo kapele ho LEWA le sechaba WASCO e hlalositse hore kopo, e tsoetsoe, har'a tse ling, ke phetoho lithekong tsa motlakase o sebelisoang ho tsamaisa kapa ho pompa metsi le lisebelisoa tse hloekisang metsi. Hape WASCO e itse thepa ea eona ea phepelo ea metsi e se tsofetse 'me e hloka ho nchafatsoa. WASCO ea re thepa eo e rekoa ka theko e phahameng kaha e 'ngoe e rekoa machabeng moo ho sebelisoang chelete Amerika ho reka. Ntlha e 'ngoe e bile hore e le WASCO e supe hore e tšoanela ho patala mekoloto ea eona.

Maikutlo a sechaba, a ne a hanana le ho nyola ka tsela eo WASCO e neng e kopa kateng. Sechaba sa etsa tšitšinyo ea hore WASO e etse ka matla hore lipalo tsa metsi a sebelisoang ke basebelisi e be tse nepahetseng e le ho qoba hore ho be le likhang lipakeng tsa eona le basebelisis kaha sena se liehisa hore batho ba patale mekoloto ea bona. Hape Sechaba se ile sa supa hore WASCO e etse ka matla ho sebetse le sona ele ho qoba hore ho be tahlehelo ea metsi e bakoang likhokelo tse seng molaong.

Lethathamo la litheko le bontšitsoe katlaase mona:

Litheko tsa metsi le likhoerekhoere tsa 2014/15 - ho tloha ka la 01 Motšeanong 2014

Mokhahlelo oa Basebelisi ba Metsi	Litefiso tsa metsi a sebelisits'oeng - (Maloti per cubic meter (M/kl))	Litefiso tsa metsi a sebelisits'oeng - (Maloti per cubic meter)
Basebelisi ba Metsi Malapeng (Patala le Litefiso - Tariffs and Charges)		21.93
A Band A (0 - 5kl)	4.18	38.95
Band B (>5 - 10kl)	7.07	38.95
Band C (>10 - 15kl)	12.43	38.95
Band D (>15kl)	17.14	-
Public stand pipe	5.66	
Basebelisi ba Metsi Ntle le ba Malapeng		259.37
Basebelisi ba bang ntle le 'Muso, Likereke le Likolo	11.31	374.64
'Muso	11.31	259.37
Likolo	11.22	187.33
Likereke	11.22	
1kl=Lilithara tse 1,000		

Litšebeliso tsa Likhoerekhoere - ho tloha ka la 01 Motšeanong 2014

Mokhahlelo oa Basebelisi ba Metsi	Litefiso tsa metsi a sebelisits'oeng - (Maloti per cubic meter (M/kl))	Litefiso tsa metsi a sebelisits'oeng - (Maloti per cubic meter)
Basebelisi ka mekhahlelo eohle ntle le (litsi tsa bophelo tsa Likotsi le Qoaling hammoho le feme ea C&Y)	8.50	-

Sechaba sa Mokhotlong se tšohla litaba le Lekhotla...

... 'me LEWA e lokela ho khothaletsa mosebetsi oa katoloso ea litšebeletso tsa motlakase le metsi moo khoebo kapa mosebetsi o joalo o ka atlehang.

Lekhotla la Taolo ea Motlakase le Metsi Lesotho (Lekhotla) le ile la etela sechaba sa Mokhotlong ka la 23 Pherekhong, 2014, moo teng mekhahlelo e fapaneng ea sechaba e bileng teng. Lekhotla le ile la tšoara phutheho ena ka sepheo sa hore sechaba se utloisise karolo e bapaloang ke Lekhotla litabeng tsa taolo ea litšebeletso tsa motlakase, metsi le likhoere-khoere.

Phuthehong ena, Lekhotla lene le emetsoe ke Mofumahali 'Machabalala Koatsa (Ofisiri Litaba tsa Baji) le Mofumahatsana 'Makhosi Makhobalo (Raliphatlatso).

Mantsoeng a hae a kamohelo, Musi oa Setereke sa Mokhotlong Monghali Motsamai Mokoto o boletse hore sechaba sa Mokhotlong se motlotlo ke mosebetsi o etsoang ke Lekhotla, o ahang taba ea ho ruta sechaba

ka litaba tsa taolo ea motlakase, metsi le litšebeletso tsa likhoekhoere. Kamorao ho moo, Lekhotla le ile la fana ka lithuto tse peli, tse holima tharollo tsa litletlebo le methati e lateloang ho laola litheko tsa motlakase le metsi.

Sechaba se ile sa fuoa monyetla oa ho botsa lipotso kapa ho kopa litlhakisetsa holim'a thuto e fanoeng. Tse ling tsa lintlha tsa bohlokoa tse ileng tsa hlalisoa ke sechaba, ke hore na Lekhotla le nka karolo efeng katolosong ea litšebeletso tsa metsi le motlakase. Sechaba se hlalositse hape hore litheko tsa motlakase li holimo haholo 'me taba ena e bontša ho hloka ponaletso.

Sechaba se ile sa hopotsoa ke hona hore, ho latela molao o thehileng Lekhotla, LEWA e lokela ho khothaletsa mosebetsi oa katoloso ea litšebeletso tsa motlakase le metsi moo khoebo kapa mosebetsi o joalo o ka atlehang.



Sechaba sa Mokhotlong phuthehong e neng epiloeng ke Lekhotla.

11

Lefapheng la motlakase, Lekhotla le fuoe boikarabello ba ho boloka letlole la katoloso ea motlakase Lesotho (UAF), 'me 'Muso ke ona o etsang qeto ea ho khetha metse e lokelang ho kenyetsoa motlakase selemo le selemo. Lekhotla lona le patala moo mosebetsi o entsoeng.

Tabeng ea ho hloka ponaletso litabeng tsa litheko tsa motlakase, Lekhotla le hlalositse hore le se le ena le lilemo tse leshome le laola litšebeliso tsa motlakase. Ka nako eo le entse maoala ohle ho eketsa ponaletso ea tšebetso.

Lekhotla la re le bona e sale ho sebetsoa ka tsela e nang le ponaletso ha ho etsoa liqeto tsa litheko tsa motlakase

hobane le methati e lateloang ena le ponaletso kaha e kenyeletsa ho nonya maikutlo a sechaba pele qeto e fihleloa. Ho feta mona ho etsoa boithuto bo tebileng ke Lekhotla ha le laola litheko.

Molula setulo oa K'hansale ea Teropo ea Mokhotlong, Monghali Tšepo Seeiso, puong ea hae e koalang phutheho, o ile a khothaletsa Lekhotla ho kenya letsoho katoloso ea motlakase seterekeng sa Mokhotlong hobane phephelo ea motlakase ha e so pharalle seterekeng seo.

O hlalositse hape hore sechaba sa Mokhotlong sena le tšepo ea hore se tla fumana motlakase kamoso ka litheko tse bobebe ☐

Thuto ka boipaballo tšebelisong ea motlakase

Motlakase o khantša mabone le ho futhumatsa lifuthumatsi, joale ka hoo, ho bohlokoa hore batho ba hlokomele hape hore o ka ba kotsi.



Lekhotla la Taolo ea Motlakase le Metsi Lesotho (Lekhotla) le na le boikarabello ba ho ruta sechaba ka litaba tse ba amang. Lekhotla le etsa tšebetso ena ele ho phethahatsa ka har'a tse ling, tšireletso ea sechaba phephelong le tšebelisong ea motlakase. Karolong ena re se bua ka taba ea boipaballo tšebelisong ea motlakase.

Motlakase o khantša mabone le ho futhumatsa lifuthumatsi, joale ka hoo, ho bohlokoa hore batho ba hlokomele hape hore o ka ba kotsi.

Batho ba bangata ba hloka hlang kapa ho na hoba le likotsi tse bakiloeng ke motlakase ba hlaheloa ke tseo ka lebaka la liketso tse seng molaong, joaloka ho utsoa lithapo tsa motlakase, ho ikhokela motlakase ka bolotsana le ho utsoa thepa ea motlakase. Hape bongata bo hloka hlang ka lebaka la tšebeliso e bohlasoa ea motlakase.

Litemaneng tse latelang ho etsoa boeletsi mabapi le boipaballo litabeng tsa motlakase.

Likonopo sa ho tobetsa sebakeng sa ho tima le ho khantšamotlakase (Switches, power points and light fittings)

Likonopo tsa ho tobetsa sebakeng sa ho tima le ho khantša motlakase, ke thepa e kabang kotsi 'me li lokela hore li ntšoe le ho kenyoa bocha ke ramotlakase ea nang le litsebo. Ha mosebetsi a etsa tšebetso ea ho penta, likonopo tsena ha lia lokela hore li tlosoe leboteng, empa pampiri e manamang e ka sebelisoa ho li koahela. Taba ea bohlokoa ke hore le ha motlakase o timiloe, thepa ena e ntse e ka ba kotsi 'me e lokela hore e eloe hloko.

Lithapo tse tsamaisang motlakase ka malapeng (Power cords and extension cords)

Lithapo tsa motlakase tse sa fasoang hantle le masoba (plugs) li ka baka kotsi. Leha ho nepahetse hore motho a ka ikenyetsa lipolaka lithapong tsa motlakase, ha ho ka hoa etsahala hore ebe lithapo ha lia fasa hantle, taba ena e ka felisa bophelo ba motho hang-hang. Lithapo tse



Lehoko le bakiloeng ke ho cha ha thepa ea ntlo ka lebaka la tšebeliso e mpe ea motlakase

12

tlang li se li ntse li loketse ho sebelisoa li bolokehile ebile li fatše ka litjeo. Tlhokomeliso hape ke hore basebelisi ba qobe hore lithapo tsa motlakase li tsamaisoe pel'a menyako kapa katlase ho mealo ea fatše (tapeiti). Hape batho ba qobe ho hokela lisebelisoa tse ngata sesebelisoeng se le seng sa motlakase.

Ha ho ba joalo, ke bopaki ba hore tlhoko ea motlakase ea motho ea joalo e holimo 'me ho lokeloa ho etsoe litokiso tse nepahetseng ele hore ho se hokeloe motlakase nqa e le 'ngoe. Taba e 'ngoe ke hore batho ba qobe ho kokotella lithapo tsa motlakase maboteng.

Lisebelisoa tsa motlakase (Appliances)

Ho kaba kotsi hore mosebelisi aitokisetse lisebelisoa tsa motlakase ka boeena hobane seo se ka ama mosebelisi kapa mosebelisi e mong ea tlang ka morao. Khothaleto ke hore motho ea nang le lengolo la tšebetso e joalo e be ena ea etsang mosebetsi oa ho lokisa.

Tlhokomeliso e 'ngoe ke ea hore lisebelisoa tsohle tsa motlakase joalo ka lifuthumatsi, tse phehang le tse otlollang liaparo li lokela hore bonyane li be bohole ba mithara ho thepa eohle e ka amohelang mollo ha bobebe. Ha sesebelisoa sa motlakase se bonahala se fana ka bothata ba ho khaola motlakase, thepa e joalo e lokela hore e se sebelisoa.

Lithapo tse tsamaisang motlakase (Power lines)

Bohle re khothaleto hore re tlalehele setsi sa phano ea litšebeletso tsa motlakase moo ebang lithapo tse tsamaisang motlakase li leketlile. Hape sebaka se joalo se lokela hore se tšoaue ele ho hlokomelisa ba bang ka kotsi e ka bang teng.

Ha boemo bo se bole joalo, tlhokomeliso ke hore ho se be le motho ea tšoarang lithapo tse leketlile kaha li ka baka kotsi e kholo. Thepa e kang lileri tsa tšepe li lokela hore li sebelisetsoe hore le lithapo tsa motlakase. Batho ba lokela ho hlompha thepa ea motlakase e kang liteishini tsa motlakase ele ho qoba kotsi kapa lefu.

Nakong eo motlakase o khaohileng (During outage)

Tlhokomeliso ke hore lithapo tsa motlakase li kotsi haholo le ha motlakase o khaohile. Ka nako eo motlakase o khaohileng, bohle ba khothaleto hore ba time lisebelisoa tsa bona tsa motlakase hobane ha motlakase o khutla, lisebelisoa li ka senyeha. Sena se bakoa ke hore motlakase o ka fihla thepeng ka matla a mangata haholo kapa a fokolang. Ele hore mosebelisi a tle a hlokomele ha motlakase o se o khutlile, lebane le le leng le ka sala le ntse le le boemong ba ho khantšoa

Haeba mosebelisi a iphehlela motlakase ka sesebelisoa sa hae (Generator), lisebelisoa tsa motlakase li lokela hore li be li timloe ha generator e qala ho sebetsa. Generator le eona e lokela hore e sebelisetsoe moo ho bulehileng, hape moo ho senang metsi.


14

13

Litlhokomeliso tse akaretsang (General tips)

- Ho kaba kotsi ho khathatsana le lisebelisoa tsa motlakase ha li ntse li sebetsa kapa li ntse li fetisa motlakase. Mohlala, ekaba ho kenya thipa kahar'a mochini o oa bohobe (toaster);
- Se tšoare seomisi sa moriri (hairdryer) kapa sesebelisoa sa motlakase se beolang moriri (shaver) ka matsoho a metsi;
- Sesebelisoa sa motlakase se lokeloa ho sebelisetsoa seo se se etselisoeng feela, e seng ho hong; hape
- Qoba ho tsamaea ka maoto ha o sebelisa se sebelisoa sa motlakase se kutang mohloa kapa hona ho hloekisa mohloa kamor'a hore pula e ne , hole metsi ☐

Thapo ena e lokela
hore e lokisoa ke LEC



Ke 'nete hore **motlakase** o bohlokoa haholo maphelong a rona ka kakaretso. Ho tloha nakong eo re tsohang, ho fihlela ha re robala, re sebelisa motlakase. Ka lebaka lena, ke ntho e sa makatseng hore re o sebelisa ntle le ho se nahane mathata a ka bakoang ke ho o sebelisa hampe, 'me oa hlahisa batho **kotsi** kapa hona ho ba bolaea.



Lekhotla la Taolo ea Motlakase le Metsi Lesotho
le na le bokirabello ba ho hlokomelisa sechaba ka tšebelei so e mope ea motlakase e ka bakang likotsi.

Mosebetsi oa Lekhotla oa ho rarolla litletlebo

The Authority endeavours to ensure that all services provided by the regulated utilities are delivered in cognisance of the minimum service levels as spelled out in the Quality of Service and Supply Standards (QOSSS) for both electricity urban water and sewerage services.



Lekhotla la Taolo ea Motlakase le Metsi Lesotho (Lekhotla) le fuoe matla ke molao o le thehileng a ho rarolla litletlebo tse hlahang lipakeng tsa ba fuoeng mangolo a tumello ke Lekhotla le basebelisi ba litšebeletso tsa motlakase, metsi le likhoere-khoere. Ele ho fihlela sena, Lekhotla le ela hloko taba ea ho beha sechaba leseling ka methati e lokelang hore e lateloe ha hona le tletlebo ka phano ea litšebeletso

Lekhotla le tsoanela ho hlokomela hore litsi tsohle tse fuoeng mangolo a tumello li fana ka litšebeletso li ipapisitse le lipehelo tsa boleng ba litšebeletso tsa motlakase le metsi tse hlahisitsoeng ke Lekhotla (QOSSS) ka linako tsohle.

Tse hlahisitsoeng katlaaselatlang mona ke methati e lokelang ho lateloa ha moji a ena le tletlebo 'me a batla ho e hlahisa ka pele ho Lekhotla. Taba ea pele ea bohlokoa ke hore tletlebo e ka tla ho Lekhotla ka molomo kapa ka mongolo. Leha ho le joalo lintlha tse

tharo tsa bohlokoa li lokela hore li be li etsahetse pele Lekhotla le ka amohela tletlebo. Tsona ke tse latelang:

- Tsetsi se fanang ka litšebeletso, e kaba K'hamphani ea Lesotho ea Motlakase (LEC) kapa K'hamphani ea Metsi le Likhoere- khoere (WASCO), se lokela hore se be se ile sa fuoa monyetla oa ho rarolla tletlebo pele;
- Setsi sa phano ea litšebeletso se lokela hore se be se ile sa hloloa ho rarolla tletlebo ka nako e lokelehang, kapa se sa sebetse tletlebo ho hang, kapa se rarollotse tletlebo empa molli a sa khotsofalla tharollo e joalo; hape
- Litlha tsohle tsa tletlebo li lokela hore li amane le litaba tsa taolo tse ahang litemana tsa molao o thehileng Lekhotla (LEA Act), QOSSS, Litemana tsa latesense e fanoeng ke Lekhotla le Melao le Melaoana e amehang e ntšitsoeng ke Lekhotla.

16



Thapo ea 11Kv e feta ka
holima ntlo ea molli.

Lekhotla le etsa lipatlisiso nakong eo le rarollang litletlebo.



Ke 'nete hore **motlakase** o bohlokoa haholo maphelong a rona ka kakaretso. Ho tloha nakong eo re tsohang, ho fihlela ha re robala, re sebelisa motlakase. Ka lebaka lena, ke ntho e sa makatseng hore re o sebelisa ntle le ho se nahane mathata a ka bakoang ke ho o sebelisa hampe, 'me oa hlalisa batho **kotsi** kapa hona ho ba bolaea.



Lekhotla la Taolo ea Motlakase le Metsi Lesotho
le na le bokirabello ba ho hlokomelisa sechaba ka tšebeliso e mope ea motlakase e ka bakang likotsi.

Complaints

Ha tletlebo e fetile methati e ka holimo, molli o lokela ho fa Lekhotla litaba tsohle tsa boitsebiso le litntlha tsa tletlebo ea hae.

Tsona li kenyeletsa tse latelang:

- Lebitso la molli, aterese ea hae, lebitso la setsi sa tšebeliso seo a tletlebang ka sona, tletlebo ka boeona, seo molli a hlohang hore Lekhotla le mo thuse ka sona le tse ling tse ka bang bohlokoa tharollong ea tletlebo.

Ha Lekhotla le se le fumane litaba tse ka holimo, molli o tla tsebisoa ka kamohelo ea tletlebo ea hae le methati e tlang ho lateloa. Sena se etsahala matsatsing a mahlano (5) a tšebetso ka morao hore tletlebo e amoheloe. Setsi se amehang le sona se tla tsebisoa ka tletlebo le hore se fane ka ntlha-kemo ea sona haeba ho hlokahala.

Setsi se lokela ho arabela Lekhotla ka matsatsi ao Lekhotla le tla beng le a behile ho latela melaoana e tsamaisang litaba tsa tharollo ea litletlebo e leng oa motlakase (Lesotho Electricity Authority (Resolution of Disputes) Rules, 2010 le oa metsi Lesotho Electricity and Water Authority (Resolution of Complaints for Water and Sewerage Services) Rules, 2013. Ka morao ho moo, eba Lekhotla le tla etsa boithuto ka tletlebo.

Ho ka etsahala hore ka nako ea boithuto kapa ka morao ho moo, ebe ho fumaneha hore setsi se amehang ha sea fuoa monyetla o lekaneng oa ho rarolla tletlebo, 'me boemong boo, Lekhotla le lona, le na le matla a ho khutlisetsa tletlebo matsotsoeng a setsi sa litšebeliso sebakeng sa tharollo.

Ho bohlokoa ho hlokomela taba ea hore tletlebo ka 'ngoe e sebetsoa ho latela boemo ba eona. Ka nako e 'ngoe, tletlebo e ka susumetsa hore tharollo ea eona e fihleloe ka mokhoa oa tharollo oa bokena lipakeng (mediation), 'me Lekhotla e le lona le kenang lipakeng. Moo teng, haeba mahlakore ka bobeli a fihlela tharollo, tletlebo e nkoa e felile, 'me mahlakore a tlangoa ke qeto eo a e fihletseng. Empa ha mahlakore ka bobeli a sitoa ho fihlela tharollo, eba tletlebo e tla rarolloa ke Lekhotla ka bolona. Qeto ea Lekhotla e ka hlalhoja ke makhotla a molao lintlheng tsa tsamaiso feela.

Tletlebo e ka nkoa e felile hape moo e bang molli o tiisa ka boeona hore o khotsofetse. Hape e kaba moo Lekhotla le ikeletsang hore ha le na matla a molao a ho sebetsoa taba e joalo ☐